

ITEM KE NDITORO ABASI

Psalm 33:1-22

QYQHQ UKPEP-ŊKPQ 31

Eke Ikpọ Owo

IKQ IBUOT: “Qfọn ndikọm Jehovah, nnyuñ ñkwọ enyiñ fo, O Ata Edikoñ” (Psalm 92:1).

I Editoro Abasi Edi Utom Ye Unen Nnyin

- 1 Edikpono ye editoro Abasi edi unen, ukem-ukem nte utom edinen owo, Psalm 33:1
- 2 Ndidian do, nnyin inyene ndida mme ñkpọ ikwọ ntoro Enye, Psalm 33: 2; 150:1-6
- 3 Nnyin inyuñ inyene ndikwọ itoro nnọ Enye, Psalm 33:3; 149:1-9; Ñwede Mbon Ephesus 5:19, 20; Ñwede Mbon Colossae 3:16

II Mme Ntak Nditoro Abasi Nte Ema Ekebem Iso Ewut Nnyin

- 1 Nnyin inyene nditoro Enye ke odudu emi odude ke Ikọ Esie nte ayararede ke edibot ererimbot, Psalm 33:4, 6, 8, 9; 148:1-6
- 2 Nnyin inyene nditoro Enye ke mme utibe utom emi Enye akanamde ke ufọn nnyin, Psalm 33:4, 6, 7, 9; 148:7-14; Isaiah 12:1-6
- 3 Nnyin inyene nditoro Enye ke akpanikọ Esie, edinen-ido, ye mfọn, oro edi mme nsinsi edu edinam emi eyararede ewut nnyin oto ke edinam Esie ye owo, Psalm 33:4, 5
- 4 Nnyin inyene nditoro Enye ke edinen ubierikpe Esie, nte nnyin ikutde ke edinam Esie ye mme okpono-ndem, Psalm 33:5, 8, 10; Ñwede Mbon Rome 1:19-21
- 5 Nnyin inyene nditoro Enye ke anana-utit ifiok ye ima Esie, emi ayararede ke edikere Esie mbaña ufọn mme owo, Psalm 33:4, 8, 10, 11; Ñwede Mbon Rome 11:33-36

III Ndusuk Ntak Nditoro Abasi Idahaemi

- 1 Enye ekpeme onyuñ anam mme edidiọñ Esie osim mmọ oro emade enyuñ ekponode Enye, Psalm 33:12-15
- 2 Odudu mme owo edi mmeme, Psalm 33:16, 17; 20:7; 118:8, 9
- 3 Ima Abasi ayarade ke Enye ndinọ nnyin ñkpọ ukpọñ ye eke ikpohidem, Psalm 33:18, 19; Luke 12:22-31; John 3:16; Ñwede Mbon Rome 8:38, 39
- 4 Akpatre Edidiọñ: Ediberidem nnyin ofuri-ofuri ke Abasi, Psalm 33:20-22; Jude 24, 25

SE EKPEPDE EBAÑA

Ikọ ibuot nnyin qdọhọ ete ke “qfọn ndikọm Jehovah nnyuñ ñkwọ” itoro enyiñ Ata Edikoñ. Itie edikot ukpep-ñkpọ nnyin eberede ye ewuhọ qnọ kpukpru ikot Christ, ete mmọ edat esit ke Jehovah enyuñ etoro Enye ke usuñ eke ekekeme. Ntre, nnyin imokut ke mme itie ñwede emi ite ke itoro idighe se ekpenamde ke usuñ eke minenke, miyqhọke, me enamde efen-efen, edi ana enyene iwuk, aka iso odu kpukpru usen ke mbak idem nnyin, onyuñ qdọdiọñ edi kiet ke otu edikpono Abasi nnyin ke ini ibonode qto kiet.

Utibe Psalm emi edi se etimde ewet añwaña, ndien eneñere qyqhọ ye ukpep-ñkpọ itoro, ntre osuk ndiwet esisit man añwam andikot nditim nduk ke esit nnyuñ mfiok se idọñqde. Edisana Spirit ebe ke utom andiwet oyom ndiwut nnyin nte ke editoro Abasi idighe ñkukure utom anditiene-Christ, edi, edi utom esie ñko sia Abasi ke Idemesie otimde owuk ete enam. Christ ekedi ndisin itoro ke esit nnyin, koro imokot ke Isaiah 61:3 ite kiet ke otu ntak utom Esie ke isọñ ekedi ndinọ “anyanya ke ibuot ntọñ, aran idaresit ke ibuot ntuaña, qfọñ-idem itoro ke ibuot mkpa-esit” man ekpekot nnyin “Ofriyo eti ido.”

Nnyin ikut ata ediye ukpep-ñkpọ emi otode ke ñwede ñkpọ-uto Psalm, ite ke kpukpru usuñ eke owo qfọfiok akpana enye ada otoro Abasi. Edisana Ñwede Abasi ke ebiet efen etiñ ete ke mme odudu obot etoro Enye, ndien ke utin, qfiọñ, ntanta-qfiọñ ye ofuri udim enyọñ etuak ibuot enyuñ etoro Andibot mmọ. Edisana Ñwede Abasi qtoñq ye se ekotde “Ikwo Obot,” ndien Job etiñ abaña mme ntanta-qfiọñ usen-ubok emi ekwode qto kiet ke eritọñq ererimbot. Nnyin imekeme ñko ndikot mbuk edinam ke Eriyarare, emi etiñde ebaña utibe ikwọ eke tosin duop ke itie tosin duop, ye mme tosin ke mme tosin emi ekwode ekanare ebekpo Abasi. Ke Heaven kpukpru owo eyekwọ!

Edi nnyin inyeneken dibet tutu nnyin isim Heaven ndien ikenyene ifiok edidemere ukpon emi. Ke editonok ekewet mme Psalm emi ete ekwokwok ndien ke edikabare mmok esuk enyene uyai nte uto emi akande kpukpru oruk nwed emi ewetde. Moses ama ekpep nditok Israel ndikwok; ndien ebierikpe mmok kiet, Deborah ama otoro Abasi ke nsinsi ikwok-erikan. David ekedi ata eti akwa-ikwok, koro enye ama esibere ikwok ke okure edidem; ndien nnyin imofioke ite enye okokwok itoro Abasi ke ofuri esit esie.

Ke ini ukpono Abasi ke eset, mmok ema enyene ediwak nkpo-ikwok, emi ndusuk mikotimke ifon nte emi inyenede mfin, edi nte ededi, ema ekeme ndibre ndinem ikwok. Ediwak nsio-nsio nkpo ikwok eke uruk ye okpoho ema edu; ke otu mmok ekedi harp, psaltery, ifiom, obukpon, nnuk ukorowo; ke ndidian do, mmok ema enyene mme ekomok, timbrel ye akpan-kpan emi edide nkpo ikwok emi esimadema. David andiwet Psalm ama akama kpukpru emi ye mbon ikwok esie emi etinde enok nnyin ete ekedi 4,000, man enye ekeme ndinam ata eti itoro nnok Jehovah (1 Chronicles 23:5).

Jesus ama esiti abana mme Psalm emi ediwak ini, ete ediwak nkpo emi ekewetde ke esit ke abana Imo. Mme Psalm oro enenere de etin ebaa eridi Christ ke ison ekere mme Psalm emi abanade Messiah. Jesus ye mbet Esie ema ekwok ikwok ke mmok ema ekedia Udia-Obon, mbemiso mmok eka ke inwa emi eketape Jesus. Kpa mme ikwok Esie ke ini Enye okoyomde ndikpa ke kros eto ke mme utibe nwed oro.

Ke Jesus ama okodok ke enyon, nnyin ikut ufok-Abasi nte esuk etorode Abasi ke utok usun emi. Mme anditiene-Christ eke eyo eset emi mikenyeneken akpan itie-ukpono Abasi, ediwak ini, ke ebiet udibe, ye mme abatiat, edianare ekpon enyin mmok emi miketieneken Christ oto ke ntak okposon ukobok ke mme usen oro; ema eka iso ke nditoro Abasi ke ikwok ye ke mme ikwok itoro. Ke mme nwed esie, Paul, isun-utom ama odohok mme ufok-Abasi oro ekebemde iso edu nte etinde ye nnyin nko ete ke kpukpru mme anditiene-Christ ekpetin ikwok enok kiet eken ke nditoro Abasi mbe ke "Psalm ye hymn ye ikwok uwem spirit." Ndien nte edikpono Abasi atata osim ofuri ekondo, onyun qshoredede osim mme Ini Ekim emi okoyohode ye ndudue ye ekim emi okofukde mme usen spirit oro, mme anditiene-Christ ema ebok mbuqidem mmok enyun enam ima mmok ofiop ke mme ikwok ndonesit emi.

"Ofon ndikom Jehovah, nnyun nkwok enyin Fo, O Ata Edikon." Yak nnyin ikufre item ufan-nwed emi, me, mme ikwok emi edude ke ibuo ukpep-nkpo emi ewetde ndiwut nnyin usun edisana uwem ke ison ye mbe-idem uwem ke Heaven emi nnyin idibiatde nsinsi ini ke ndikpono nnyun ntoro Enye emi ekepede nnyin ke Iyip Esie, ndien afak nnyin osio ke ubok asua.

MME MBUME

- 1 Nte edi ubion nnyin nditoro Abasi?
- 2 Ke nso utok usun ke mme anditiene-Christ eyo oko ekesitoro Abasi?
- 3 Nso idi ntak emi ekewetde mme Psalm ke eritonok?
- 4 Nso idi ntak emi inyenede nditoro Abasi?
- 5 Edieke nnyin inamde akpanikok ke editoro Abasi, nso ke ikeme ndibok ke usiene?
- 6 Anie ekewet nwak-nkan Psalm?
- 7 Ewe edi akpa "hymn" ke Edisana Nwed Abasi?
- 8 Owo ifan enyene ndidu ke akwa udim mbon ikwok oro ekwode ekanare Ebekpo Abasi?
- 9 Nso enyin ke enok mme Psalm emi etinde nkpo ebaa nti-nnim ikwok ke abana Jesus?
- 10 Didie ke ikeme nditoro Abasi?